



D. O. M.
THESES ANATOMICÆ
ET
CHIRURGICÆ.

EX ANATOMIA.



QUÆ à Causis externis corporis partes violentè lædentibus oriuntur mala, ea ferè omnia à vasorum & textûs cellulosi læsâ fabricâ pendere, & in contusionibus potissimum sævire constat; ex quibus ab humorum in textûs cellularis anfractibus effusorum congerie, multorum accidentium soboles.

TEXTUM cellulosum constituunt minimæ fibræ necnon laminulæ majores vel minores, planæ, solidæ, inter se connexæ, omni modo dispositæ, sibi diversimodè occurrentes, variæque efformantes



2

areolas, quarum intervalla undique aperta & mutuo communicantia probant lanionum insufflatio, emphysema, leucophlegmatia.

In omni corporis habitu non una eademque hujusce textus quantitas & crassities. Hic laxior, fibris laminisque longioribus constatus, majores, illic gracilior & rarior fibrisque minoribus constans, angustiores dat cellulas; hæ humoris oleosi & aquosi irrorantur habitu, illas humor pinguis crassior replet, adipem vocant.

VARIAS hæce cellulas trajiciunt innumeri nervi, perreptantque plurima vasa lymphatica & sanguifera, è quorum finibus arteriosis, ut probant injectiones tenuissimæ, exsudat humor venosis oculis resorbendus.

NULLAM corporis partem celluloso carere textu demonstrat inspectio Anatomica quocunque enim dissecando conseras oculos, sese offert; non tantum infra cutem conspiciendus, corporis penetrat cava, inter fibras ejuscumque generis membranaceas, nervosas, ligamentosas, musculosas, osseas, inter ipsamet viscera expanditur, vasis minimis Vaginulas suppeditat, ubique vinculi vices adimplet; ab eo denique maximam corporis partem effici, vero propinquum.

In unâquâque ætate hujus textus non eadem apparet quantitas; in puerili ætate major, minor evadit prout senilis progreditur ætas; nec mirum: quò magis crescunt partes, quò solidiores, eò magis textus cellularis conrescit, hinc fibrarum laxitas aut rigiditas; hinc textu celluloso suppuratione destructo, partibus sibi accretis, motus difficultas, abolitio.

Ex fabricâ, necnon ex humore contento, textus cellularis deducendi sunt usus. Varias constituens areolas ratione figuræ, & latitudinis, partibus connectendis, firmandis, movendis, conformandis, idoneus; Humore pingui & oleoso scatens, motum expedit, attritum minuit, partes lubricat, à rigiditate tuetur, tenfas, molles, elasticas efficit, resorbtus humoribus permiscetur usus alios præstiturus. Epulis, somno, quiete augetur pinguedo, congestaque nocet; inediâ, motu, vigiliâ, curis animi, febre, morboque quolibet facillè minuenda.

EX CHIRURGIA.

CUM corpus motum in corpus quietum incidit, tùm pro mole suâ & quâ velocitate impellitur, huic plus minusvè impulsiois suæ, juxtà utriusque molem & configurationem communicatur: quò magis ergo vel minùs obsistat corpus, eò major aut minor erit commotio, elaterii imminutio, atque ipsamet partium ruptura: ex hac generali motùs lege totus sequitur contusionum effectus; contusio enim est quæcumque læsio per instrumenta dura & obtusa corpori nostro inflicta, sivè ipsi motum impingant, sivè ipsum corpus motum ab altero quiescente collidatur, prematur aut conteratur.

DUPLEX contusionis status, vel vasa non fuerunt lacerata, sed compressa & ità commota, ut vi suâ elasticâ priventur & liquores in illorum cavitatibus, vitali eorum fabricâ destructâ, hæreant & stagnent, ibique commoratione putridi evadant; aut liquores, vasis disruptis, hinc & illinc effunduntur & vicinas partes labefaciunt, tuncquè hanc contusionis speciem vulnerum minutissimorum congeriem non immeritò asserunt autores.

QUOT & quanta ex contusionibus nascentur symptomata jam patet; earum autem numquàm frequentius, nec gravius fuit periculum, quàm ex quò humanâ industriâ, pulvis pyrius hominibus adeò exitiosus, tam horrendas edidit strages: & quia globuli è tormentis aut sclopetis emissi miras infligunt contusiones, eas peculiaritèr perpendemus.

QUÆ sit pulveris tormentarii actio neminem latet, ejus quantitas & compressio, instrumentorum ab eo adactorum moles & figura, distantia quam percurrunt, diversas ratione partium percussarum resistantiæ contusionum species constituunt; undè quædam leviores, aliæ graviore, lethales aliæ.

FACILLIME decipietur qui primo intuitu partis collisæ, de naturâ contusionis judicium inexpertus feret; contusiones enim quæ levissimæ haberentur maxima inducunt pericula, dùm quædam & latiores & profundiores paucis sibi sentitur symptomatibus nec agere cœrentur.

PERSTRICTA tantum cute, imò integrâ nec deturpatâ, partes subjacentes altissimè & minutatim concidi, penitusque destrui, ossa ipsa periosteo denudari, sæpè diffringi, gangrænam & mortem citissimè invadere non mirum. Cutis tenax non tam facilè à globulis rumpitur, leviter perstricta intropellitur & partes huic suppositæ teneriores colliduntur: ab impulsu globuli aër externus quandoquæ tales concipit vires, ut per se maximas infligere valeat contusiones; adde quòd aëris interni partes, temporis puncto per viciniorem globuli transitum vehementissimè compressæ, vi haud inæquali erumpentes, vasa perfringant, textumque cellulosum irrepant; undè subitum Emphysema, harumce contusionum signum certissimum, à gravioribus per alia instrumenta illatis contusionibus non excludendum.

ULTRA partem percussam extenduntur contusionis effectus: contutuntur partes vicinæ, vasorum, nervorum & textûs cellulosi perturbantur series & ordo: medullam ossibus reconditam, læsam, viscera ab agentibus externis tutissima, cerebrum, pulmones, hepar & alia viscera abdomine contenta, collisa, fissa, penitus soluta & attrita, ferèque ad pulvem comminuta, cava liquoribus effusis turgida docent quam plurimæ observationes & comprobant in obditiobus potissimum, praxis Chirurgica.

CONTUSIONUM in genere non intricata diagnosi: sub cute humores effusi telam cellularem replent & distendunt, undè tumor partis affectæ & mutatio coloris in rubrum, plumbeum, lividum, nigrum, prout cruoris major aut minor copia hæret & diutius commoratur: absente tumore, renitentia quædam cum strepitu & obscura fluctuatio contusionem profundam designant: intricatissima verò signa quæ naturam & gradum contusionis, variæque partium contusarum pathemata indicant; sua enim sunt cuique parti læsæ propria, quæ ab accidentibus deducuntur, & hæc accidentia plûs minùsve ingravescent ratione instrumentorum velocitatis & molis, de quibus iudicium difficile.

OSSIVUM contusionem periostei compressio, laceratio, lamellarum ossis intropressio, fractura, vasorum attritus, liquorum os inter & periosteum aut intrâ ossis lamellas effusio, medullæ ipsius læsio, comitantur, undè inflammationes, suppurationes eò magis metuendæ quò diù marcescunt & putrescunt effusa, & quò oleum medullare putredinem pessimam acquireret, quæ substantiam ossis proferpendo carie depascet.

5

A musculis contusis dolores, spasmi, inflammationes, suppurationes quæ textus cellularis anfractus citissimè invadunt & erodunt; gangræna, paralysis, contractura, atrophia suboriuntur. Hæc in articulis contusis immanitèr exacerbantur mala, acerrimi contorquent dolores, anchylosis vera aut spuria ineluctabilis.

CALVARIÆ contusiones periculosæ admodum, etiam ossè integro & inconcussis partibus contentis, quod quidem periculum oritur, ut suprà diximus, ex pericranii destructione, quam sequitur squammæ partis contusæ separatio diù expectanda, nisi methodo Bellostianâ caveatur. Periculosiores in quibus, fractis in diploë vasis, humores effusi corrumpuntur; sensim enim serpit latèquè dispergitur malum inter utramque tabulam; vitrea tenerior citius eroditur, meninges, cerebrumque ipsum inficiuntur. Periculosissimæ tandem in quibus à cranii fracturâ aut vehementi concussu, cerebri aut cerebelli fracta vasa, mortem subitam sæpè inferunt.

INFENSISSIMÆ, lethales, viscerum in cavo pectoris & abdominis reconditorum contusiones, quarum indicia à Causâ lædente, situ doloris, functionibus læsis, ab excretis & accidentibus potissimum deducuntur.

LUMBORUM aut potius hujus regionis medullæ collisionem sequuntur vesicæ, intestini recti resolutio, artuum inferiorum paralysis, coccygis, pedumquæ miserrima & immedicabilis gangræna.

GRAVIORUM contusionum concussus semper comes, qui non solum in parte contusâ hæret, verùm sæpè cerebrum ipsum & consequentèr totam machinam attingit, ut in extremitatum inferiorum contusionibus à tormentario globo illatis observatur.

Si valida sit commotio, statim adest partis stupor, quæ vitali humorum affluxu orbata, raro intumescit, contrà verò, si minor sit concussus, humoribus in vasis stagnantibus brevè infarcitur.

CEREBRUM concussum indicant oris pallor, artuum debilitas, oculorum caligo, lapsus, vomitus, sensuum externorum hebetatio, functionum perturbatio, delirium, febris, aliaque ipsius capitis vulnèrum propria symptomata, quorum iidem exitus, eadem remedia.

COGNITIS, secundum angustos nostræ thesæos fines, confusio-
num ab instrumentis bellicis infligatorum periculis & accidentibus,
quid pro variis speciebus conferre queat *Ars Chirurgica* statuen-
dum.

IN levioribus confusionibus tentanda resolutio, prosperè obti-
nenda, sanguinis missione, fomentis penetrantibus & resolventibus
parti impositis & sedulè renovatis, inter quæ præ cæteris aquam sale
communi saturatam laudamus, quâ sanguis extravasatus & conere-
tus diluitur & bibularum venarum osculis resorbetur. Expansio tu-
moris, color partis in flavum & viridescentem mutatus, dolorisque
absentia, resolutionis signa.

SI magnâ sanguinis extravasati copiâ prodit tumor, à resolu-
tione non speranda salus, effusis sectione detur exitus, benignâque
suppuratione depuretur locus, alioquin ad putredinem vergunt, &
suffocationem partis minitantur.

AUDACTER incisiones celebret Chirurgus ubi à contusione;
per globulum tormentarium aut majorem glandem plumbeam, in-
tactâ ferè cute, miram in molem pars intumuit & in eâ percipitur
renitentia quædam cum strepitu subobscuro; locum sectionis
molliorem & procliviorē si fieri possit eligat; aponevroses con-
tractas in omni sensu solvere ne dubitet; carnes minutim concisas
& laceratas tollat; contra aperturas pro re natâ instituat; setaceum
inijciat; spiritum therebentinæ calidum infundendo, putredinem
arceat.

AN periosteum & ossa contusione afficiantur adamussim perpen-
dendum. Periosteum tumefactum, madidum, nec ossi cohærens secan-
dum, os sæpè perforandum; medullæ corruptione ossibus extrema-
tum carie erosis, incassum tentatis idoneis remediis, si terebræ non
detur locus, in amputatione unicum præsidium.

CAPITIS contusiones indiscriminatim aperiendas experientia
docet, tum ut detegatur malum, tum ut præcaveantur accidentia.
Cranium denudatum diversis punctis fodicandum, & si posset æsti-
mari contusionis gradus, statim terebrandum, ne superius descripta
ingruant symptomata, quæ etiam si leviter insurgant, propriis nostris
observationibus, in morâ grave periculum autumamus.

7
PARUM conferunt artis auxilia in majoribus viscerum & medullæ
contusionibus ; si enim non subito lethales , post summas miseras
lenta mors sequitur.

PARTIBUS à contusione stupefactis , raro prosunt incisiones ; in
his nullus ferè calor , nullusque sensus superest ob suffocatum vita-
lem humorum motum , cardiacis , frictionibus calidis , fomentis & ca-
taplasmatibus aromaticis & spirituosus revocandum.

*Has Theses , DEO JUVANTE & Præside M. JOANNE-
BAPTISTA - ANTONIO ANDOUILLE ,
Artium Liberalium Magistro , Scholarum Professore Re-
gio & Præposito , Regis exercitus Nosocomiorumque
Castrensiū nuper , nunc Nosocomii Charitatis Parisien-
sis Chirurgo primario , tueri conabitur JOANNES-BAPTISTA
LOUSTAUNAU , Versaliensis , in almâ Universitate Pari-
sienſi Liberalium Artium Magister.*

P A R I S I I S ,

IN REGIIS CHIRURGORUM SCHOLIS.

*Die 2^â Octobris à sesqui-secundâ post meridiem
ad Septimam. Anno Domini 1753.*

P R O A C T U P U B L I C O ,

E T

M A G I S T E R I I L A U R E A .

Typis DELAGUETTE Regii Chirurg. Collegii
Typographi. 1753.